

**Давлат ветеринария қўмита раисининг биринчи ўринбосари Ш.Джаббаров томонидан  
Андижон вилоятининг Марҳамат туманида ўтказилган жисмоний шахслар ва юридик  
шахсларнинг вакиллари шахсий сайёр қабули юзасидан**

**БАЁННОМА**

2018 йил “28” февраль

Марҳамат тумани

Давлат ветеринария қўмитаси раисининг биринчи ўринбосари Ш. Джаббаров томонидан 2018 йилда шахсий сайёр қабул ўтказиш тўғрисидаги Ўзбекистон Республикаси Давлат ветеринария қўмитаси раиси томонидан тасдиқланган жадвалига мувофиқ 2018 йил 28 февраль куни Андижон вилояти ветеринария бошқармаси, Марҳамат туман ветеринария бўлими ходимлари ва туманда яшовчи бир гурӯҳ жисмоний шахслар ва юридик шахсларнинг вакиллари қабул қилинди.

Қабулда Марҳамат туман ҳокими розилиги асосида Марҳамат туман прокурор ўринбосари Б.Каримов, Марҳамат тумани Ҳалқ қабулхонаси раҳбари И.Ҳ.Режавалиев, Андижон вилояти ветеринария бошқармаси бошлиғи Д.Қаюмов, Марҳамат туман ветеринария бўлими бошлиғи М.Мамадалиев, Марҳамат туман Ободонлаштириш бошқармаси ит тутиш бригадаси вакиллари ҳамда Марҳамат туманида фаолият юритаётган қушхона раҳбари ва ҳамда тегишли ташкилот раҳбарлари иштирок этишди.

Шахсий сайёр қабул давомида қўйидаги жисмоний шахслар ва юридик шахсларнинг вакилларининг мурожаат ва таклиф ҳамда мулоҳазалари қабул қилинди:

1. Марҳамат туман “Қорабоғиши”МФЙ, “Алитепа” МФЙда фаолият юритаётган “Рожий Мансур” ф/х раҳбари А.Қосимов : -“ Фермер хўжалигига 180 бош сигир ва 50 бош бузоқ боқиб келаётганлиги, тўлиқ фаолият юритиши ҳамда чорва моллари учун ем- хашак етказиб бериш мақсадида беда ва қукуруз экиш учун камида молбоши сонидан келиб чиқиб, камида яна 41 гектар ер ажратиб бериш”, ушбу масала бўйича амалий ёрдам бериш юзасидан ёзма мурожаати қабул қилинди.

Ушбу масала юзасидан:

Мурожаатни қонунда белгиланган тартибда қабул қилиниб, Ўзбекистон Республикасининг “Жисмоний ва юридик шахсларнинг мурожаатлари тўғрисида”ги Қонуннинг 25-моддасига асосан тегишлилиги бўйича юборишни ва юборилганлиги тўғрисида қўмита томонидан мурожаатчига ёзма маълумот берилиши маълум қилинди.

2. Марҳамат тумани ветеринария бўлими бошлиғи М.Мамадалиев: “Ветеринария бўлимининг биноси 1953 йил қурилган бўлиб, ҳозирги кунда жорий таъмирлаш зарурлиги, жорий таъмирлаш учун маблағ ажратиш ҳамда бўлимни керакли мебел жиҳозлари ва асбоб – ускуналар билан таъмирлаш ” юзасидан оғзаки мурожаати қабул қилинди.

Ушбу масала юзасидан:

Қонунда белгиланган тартибда қўмитага мурожаат хатлари тайёрлаш ва юбориш ҳамда қўмита розилиги асосида туман молия бўлими билан келишилган ҳолда маблағ ажратилишида фаоллик қилиш тўғрисида Андижон вилояти ветеринария бошқармаси раҳбариятига қўрсатма берилди ҳамда мурожаат муаллифига бажарилганлиги тўғрисида маълумот берилиши маълум қилинди.

3. Олтинкул тумани ветеринария бўлими бошлиғи: С.Узақов:“2017 йил 22 сентябрдаги “Хайвонларни идентификация қилиш, уларни ҳисобга олиш, ҳисобдан чиқариш ва сақлаш тартибини такомиллаштириш тўғрисида” 748-сонли қарори” тўғрисидаги оғзаки мурожаати қабул қилинди.

Ушбу масала юзасидан:

Давлат ветеринария қўмита раисининг биринчи ўринбосари Ш.Джаббаров томонидан мурожаатчига Ўзбекистон Республикаси Вазирлар Маҳкамасининг 2017 йил 15 мартағи “Давлат ветеринария хизмати тизимида рухсат этиш хусусиятига эга хужжатларни бериш тартиби тўғрисидаги низомларни тасдиқлаш ҳакида”ги 139-сонли ва 2017 йил 22 сентябрдаги “Хайвонларни идентификация қилиш, уларни ҳисобга олиш, ҳисобдан чиқариш ва сақлаш тартибини такомиллаштириш тўғрисида” 748-сонли қарорининг

мазмуни, моҳияти ва амалий аҳамияти, қушхонани белгиланган талабларга мувофиқ ихтисослашган сўйиш корхонасига айлантириш ва сўйиладиган ҳайвонларни белгиланган тартибда сўйиш ишларини амалга ошириш бўйича жавобгарлиги тушунтириб берилди.

4. Марҳамат тумани “Юрмана Топ” МФЙ, Қочар кўчаси, 159-йда яшовчи фуқаро Ж.Абдиназарова :- “Қайнотаси олий маълумотли зоотехник бир неча йилдан бери ишсиз юрганлиги, қайнотасини иш билан таъминлашда ёрдам бериш” юзасидан берилган оғзаки мурожаати қабул қилинди.

Ушбу масала юзасидан:

Давлат ветеринария қўмита раисининг биринчи ўринbosари Ш.Джаббаров томонидан мурожаатчига давлат ветеринария хизматида фаолият юритаётган муахассислар Ўзбекистон Республикаси Вазирлар Махкамасининг 2017йил 14 августдаги “Ўзбекистон Республикаси Давлат ветеринария қўмитаси фаолиятини ташкилэтиш чора-тадбирлари тўғрисида”ги 624-сонли қарор билан тасдиқланган Давлат ветеринария қўмитаси тўғрисидаги Низомнинг 19-банди талаблари бўйича олий маълумотли ветеринария врачи маълумотига эга бўлишлиги тушунтириб берилди.

Шахсий сайёр қабул жараёнида қўтарилган масалалар ва берилган қўрсатмалар ижросини назорат қилиш Давлат ветеринария қўмитаси жисмоний ва юридик шахсларнинг мурожаатлари билан ишлаш шўъба мудири А.Усмонов зиммасига юклатилди.